



ЭРҮҮЛ
МЭНДИЙН ЯАМ

**МОНГОЛ УЛСЫН ЗАСГИЙН ГАЗРЫН ҮЙЛ АЖИЛЛАГААНЫ
ХӨТӨЛБӨРИЙГ ХЭРЭГЖҮҮЛЭХ АРГА ХЭМЖЭЭНИЙ
ТӨЛӨВЛӨГӨӨНИЙ ХЭРЭГЖИЛТЭД ХИЙСЭН
ХЯНАЛТ-ШИНЖИЛГЭЭНИЙ ТАЙЛАН,
2025 ОНЫ ЖИЛИЙН ЭЦСИЙН БАЙДЛААР**

2025 оны 12 сар

**Монгол Улсын Засгийн газрын 2024-2028 оны үйл ажиллагааны
хөтөлбөрийг хэрэгжүүлэх арга хэмжээний төлөвлөгөөний
хэрэгжилтэд хийсэн хяналт-шинжилгээний дүн
(2025 оны жилийн эцсийн байдлаар)**

Нэг. Хяналт-шинжилгээ, үнэлгээний зорилго

Монгол Улсын Их Хурлын 2024 оны 21 дүгээр тогтоолоор “Монгол Улсын Засгийн газрын 2024-2028 оны үйл ажиллагааны хөтөлбөр”, Засгийн газрын 2024 оны 218 дугаар тогтоолоор “Монгол Улсын Засгийн газрын 2024-2028 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөө” тус тус батлагдсан.

Монгол Улсын Засгийн газрын үйл ажиллагааны хөтөлбөрийн 1.4. Орон нутгийн хөгжил, 2.1. Чинээлэг Монгол хүн, 2.2. Эрдэм боловсролтой монгол хүн, 2.3. Эрүүл Монгол хүн, 3.3. Эдийн засгийн төрөлжилт, либералчлал, 4.1. Хүний эрх, эрх чөлөө, 4.4. Үндэсний сөрөн тэсвэрлэх чадавх ба амар тайван нийгэм чиглэлийн хүрээнд Эрүүл мэндийн яам үндсэн хэрэгжүүлэгчээр 45, бусад байгууллагатай хамтран хэрэгжүүлэгчээр 22 арга хэмжээ, нийт 67 арга хэмжээг 2025 онд хэрэгжүүлэхээр байна.

Монгол Улсын Засгийн газрын үйл ажиллагааны хөтөлбөрт 2024-2028 онд эрүүл мэндийн салбараас хэрэгжүүлэх арга хэмжээ хүлээгдэж буй үр дүндээ хүрч байгаа эсэхийг нягтлах, арга хэмжээ тус бүрийн хүрсэн түвшинг тодорхойлох, шаардлагатай санал, зөвлөмжийг боловсруулах, шийдвэр гаргагч нарт холбогдох мэдээлэл өгөх зорилгоор явцын хяналт-шинжилгээг хийж гүйцэтгэсэн болно.

Хоёр. Хяналт-шинжилгээ үнэлгээний арга зүй

Монгол Улсын Засгийн газрын 2024 оны 43 дугаар тогтоолоор батлагдсан “Хяналт-шинжилгээ, үнэлгээ, байгууллагын үйл ажиллагаа, үр дүнг үнэлж дүгнэх журам”-ын дагуу хяналт-шинжилгээг хийж, Засгийн газрын үйл ажиллагааны хөтөлбөрийн зорилтын хүрээнд хэрэгжүүлэхээр төлөвлөсөн арга хэмжээ тус бүрийн хэрэгжилтийг журмын нэгдүгээр хавсралтын 6.1, 6.5 дугаар заалтад заагдсан бодлогын баримт бичгийн зорилт, арга хэмжээний хэрэгжилтийн үнэлэх аргачлалыг баримтлан арга хэмжээний хэрэгжилтийн хувиар тооцон гаргасан.

Гурав. Хяналт-шинжилгээ, үнэлгээний дүн

Монгол Улсын Засгийн газрын 2024-2028 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөөний хэрэгжилт 2025 оны жилийн эцсийн байдлаар 76.66 хувьтай үнэлэгдсэн.

2025 онд үндсэн хэрэгжүүлэгчээр нийт 45 арга хэмжээг хэрэгжүүлэхээр төлөвлөснөөс дараах үнэлгээтэй байна. Үүнд:

- “Үр дүнтэй” буюу 85 хувь болон түүнээс дээш хэрэгжилттэй - 23 (51.1%) арга хэмжээ;

- “Үр дүн хүлээгдэж байгаа” буюу 60-84 хувийн хэрэгжилттэй - 7 (15.6%) арга хэмжээ;
- “Үр дүн хангалтгүй” буюу 30-59 хувийн хэрэгжилттэй - 12 (26.7%) арга хэмжээ;
- “Үр дүн гараагүй” буюу 0-29 хувийн хэрэгжилттэй - 2 (4.4%);
- “Хэрэгжилтийг тооцох хугацаа болоогүй” - 1 (2.2%) арга хэмжээ тус тус байна.

“Үр дүн хангалтгүй” буюу 30-59 хувийн хэрэгжилттэй 12 арга хэмжээ байна. Үүнд:

- 1). 181. "Эх, хүүхэд нөхөн үржихүйн эрүүл мэнд" арга хэмжээг хэрэгжүүлэх (НЭМБХГ);
- 2). 390. Сэтгэцийн эрүүл мэндийн тухай хуульд нэмэлт, өөрчлөлт оруулах тухай хуулийн төслийг боловсруулж, Улсын Их Хуралд өргөн мэдүүлэх (НЭМБХГ);
- 3). 393. Эрүүл мэндэд эрсдэл үүсгэгч хүчин зүйлийг бууруулж хүний амьдрах, ажиллах эрүүл, аюулгүй орчин бүрдүүлэх арга хэмжээ хэрэгжүүлэх: 1. Эрүүл, аюулгүй сургууль арга хэмжээ, 2. "Орчны эрүүл мэнд" арга хэмжээ, 3. "Эрүүл ажлын байр" арга хэмжээ (НЭМБХГ);
- 4). 394. "Халдварт өвчнөөс сэргийлэх, хянах" арга хэмжээ хэрэгжүүлэх (НЭМБХГ);
- 5). 396. Халдварт бус өвчнөөс сэргийлэх, хянах "Эрүүл Монгол хүн" цогц арга хэмжээг хэрэгжүүлэх (НЭМБХГ);
- 6). 397. "Эрүүл шүд" цогц арга хэмжээний төлөвлөгөө хэрэгжүүлэх (НЭМБХГ);
- 7). 398. Хорт хавдраас сэргийлэх, хянах хөтөлбөр хэрэгжүүлэх (НЭМБХГ, ЭТБХГ);
- 8). 399. Иргэний эрүүл мэндийн боловсролыг дээшлүүлэх цогц арга хэмжээний төлөвлөгөө хэрэгжүүлэх (НЭМБХГ);
- 9). 405. Зүрх судасны үндэсний төв байгуулах (СЭЗБХГ);
- 10). 418. Цахим эрүүл мэнд цогц арга хэмжээний төлөвлөгөө хэрэгжүүлэх (БТГ);
- 11). 425. Эм, эмнэлгийн хэрэгслийн лабораторийн чадавхыг нэмэгдүүлэх (ЭТБХГ);
- 12). 432. Эрүүл мэндийн салбарын хүний нөөцийг бэхжүүлэх стратеги төлөвлөгөө хэрэгжүүлэх (БТГ).

“Үр дүн гараагүй” буюу 0-29 хувийн хэрэгжилттэй 2 арга хэмжээ байна. Үүнд:

- 1). 400. Нийгмийн эрүүл мэндийн тусламж, үйлчилгээ үзүүлэх дэд төв, нийгмийн эрүүл мэндийн төвийг байгуулах (НЭМБХГ);
- 2). 420. Өвчний Олон улсын 11-р ангилал нэвтрүүлэх (БТГ).

“Хэрэгжилтийг тооцох хугацаа болоогүй” 1 арга хэмжээ байна. Үүнд:

409. Эрүүл мэндийн даатгалын тухай хуулийн шинэчилсэн найруулгын төсөл боловсруулж, Улсын Их Хуралд өргөн мэдүүлэх (ЭМДБЗГ).

Дөрөв. Шалгуур үзүүлэлт

“Монгол Улсын Засгийн газрын 2024-2028 оны үйл ажиллагааны хөтөлбөрийг хэрэгжүүлэх арга хэмжээний төлөвлөгөө”-ний үр дүнгийн хяналт-шинжилгээ, үнэлгээний шалгуур үзүүлэлтэд нийт 15 шалгуур үзүүлэлт байгаагаас Төсвийн ерөнхийлөн захирагчийн үр дүнгийн 5 шалгуур үзүүлэлт, Хөтөлбөрийн үр дүнгийн 10 шалгуур үзүүлэлт байна.

Шалгуур үзүүлэлтийн үнэлгээ 2025 оны эхний 11 сарын байдлаар 67.6 хувьтай байна.

- 100 хувийн үнэлгээтэй 8 шалгуур үзүүлэлт: 30-70 насны зүрх судасны өвчин, хорт хавдар, чихрийн шижин болон амьсгалын замын архаг өвчний шалтгаант нас баралтын түвшин (тухайн насны 10,000 хүн амд); Сүрьеэгийн тохиолдлын түвшин, 100,000 хүн амд; Хөдөө орон нутгаас төрөлжсөн мэргэшлийн эмнэлэгт ирж тусламж, үйлчилгээ авсан иргэд; Хавдрын мэс засал, ангиографи болон гэмтлийн мэс заслын чиглэлээр төрөлжсөн мэргэшлийн тусламж, үйлчилгээг бүс нутагтаа тогтмол үзүүлэх эрүүл мэндийн байгууллага; Алсын зайн анагаах ухаан телемедициний үйлчилгээ нэвтрүүлсэн байдал; Эрүүл мэндийн төрөлжсөн мэдээний сангаар нэгтгэгдэж, хэрэглэгчдэд хүрсэн мэдээллийн төрөл; Эм, эмнэлгийн хэрэгслийн үйлдвэрлэлийн зохистой дадал, стандартыг нэвтрүүлэх үйлдвэр; Худалдан авах эм, эмнэлгийн хэрэгсэл, биобэлдмэл, вакцин, нэр төрлөөр.

- 32.1; 46.5 хувийн үнэлгээтэй 2 шалгуур үзүүлэлт: Зорилтот бүлгийн хүн амын урьдчилан сэргийлэх, эрт илрүүлэг үзлэгт хамрагдалт; Эрүүл мэндийн даатгалын сангийн орлогын нэмэгдэх хэмжээ;

- 0 хувийн үнэлгээтэй 3 шалгуур үзүүлэлт: Эхийн эндэгдлийн харьцаа, 100,000 амьд төрөлтөд; Нялхсын эндэгдлийн түвшин, 1,000 амьд төрөлтөд; Эм, эмнэлгийн хэрэгслийн лабораторид шаардлагатай тоног төхөөрөмжийн хангалт;

- Хэрэгжилтийг тооцох хугацаа болоогүй 2 шалгуур үзүүлэлт: Орон нутагт 10,000 хүн амд ногдох эмч, Орон нутагт 10,000 хүн амд ногдох сувилагч.

Дүгнэлт

1. Монгол Улсын Засгийн газрын үйл ажиллагааны хөтөлбөрт тусгагдсан эрүүл мэндийн салбарын 45 арга хэмжээний хэрэгжилт 2025 оны жилийн эцсийн байдлаар 76.66 хувийн үнэлгээтэй байна.

2. Засгийн газрын үйл ажиллагааны хөтөлбөрийг хэрэгжүүлэх 14 арга хэмжээ 0-59 хувийн үнэлгээтэй бөгөөд энэ нь нийт арга хэмжээний 31.8 хувийг эзэлж байна. Үүнээс 12 арга хэмжээний хэрэгжилт 30-59 хувь буюу “Үр дүн хангалтгүй”, нийт арга хэмжээний 27.3 хувийг, 0-29 хувь буюу “Үр дүн гараагүй” үнэлгээтэй 2 арга хэмжээ, нийт арга хэмжээний 4.5 хувийг тус тус эзэлж байна.

3. Хөтөлбөрийн шалгуур үзүүлэлтийн үнэлгээ 67.6 хувьтай байна.

4. Удирдлага, зохион байгуулалт хангалтгүй байгаагаас арга хэмжээний хэрэгжилт “Үр дүн хангалтгүй” болон “Үр дүн гараагүй” гэсэн үнэлгээтэй байна.

5. Арга хэмжээний төлөвлөгөө болон хөтөлбөрийн шалгуур үзүүлэлтийн 2025 онд хүрэх түвшинг ялгаатай, өөр өөр төлөвлөж байгаа нь үнэлгээ хийхэд хүндрэл учруулж байна.

6. Бодлогын баримт бичгийг төлөвлөхдөө арга хэмжээний суурь түвшинг буруу, алдаатай байснаас үнэлгээний хувь буурахад тодорхой хэмжээгээр нөлөөлсөн байна.

7. Тухайн арга хэмжээг хэрэгжүүлэхэд төлөвлөгөө баталсан бол төлөвлөгөөний хэрэгжилтийг хангах, тавих хяналтыг сайжруулах зайлшгүй шаардлагатай байна.

Зургаа. Зөвлөмж

1. Хяналт-шинжилгээний дүнгээр “Үр дүн хангалтгүй” болон “Үр дүн гараагүй” байгаа арга хэмжээний хэрэгжилтийг 2026 онд эрчимжүүлэн ажиллах;

2. Газар, хэлтсийн дарга нар Засгийн газрын үйл ажиллагааны хөтөлбөрийг хэрэгжүүлэх арга хэмжээний төлөвлөгөөний хэрэгжилтийг удирдлага, зохион байгуулалтаар хангаж, хэрэгжилтэд тавих хяналтыг сайжруулах;

3. Тайлагналтыг сайжруулж, шалгуур үзүүлэлтийн дагуу тодорхой, тоон үзүүлэлттэй, үр дүнд чиглэсэн, нотлох баримтад тулгуурлах;

4. Арга хэмжээг хэрэгжүүлэхэд зарцуулсан санхүүжилтийн хэмжээ, эх үүсвэрийг тайлагнах.

Эрүүл мэндийн яам
2025 оны 12 дугаар сар